

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XLVIII. TIT. III. De Cvstodia Reorvm.

urn:nbn:de:gbv:45:1-9050

singulæ circumstantiæ, ideoque introductæ sunt, elidant & avertant probationem: cum ergo in causis civilibus id admittatur, nedum in criminalibus, ubi defensio favorabilior est, admitti debet, *Carpz. d. l. n. 20.* Et cum (2) inquisito liceat eosdem testes postea denuo pro formanda sua defensione producere, *Carpz. d. l. n. 23.* faciliori via & minori sumtu per modum interrogatorium id fieri poterit. Neque (3) eo processus protrahitur, utpote cum interrogatoria in termino, quo testes producuntur, parata esse debeant, ut proinde liti moram non faciant. Eamque sententiam probant (4) *Mev. P. 2. dec. 321. n. 9. Brunn. Proc. Crim. c. 8. n. 2. n. 53. Oldek. dec. 1. qu. 5.* Atque (5) inquisitus per Rescriptum obtinuit, ut interrogatoria admitterentur in causa Filci, contra X.

LIB. XLVIII. TIT. III.

DE CVSTODIA REORVM.

Qv. I. *An privatus, aliquem carceri tradens, committat crimen læsæ Majestatis?*

AFFIRM. *L. 1. C. de Carc. priv. ibi: tanquam ipsius majestatis violatores ultimo subjugandos esse supplicio.* *Laut. pag. 684. verb. non etiam privati etc.*

OBJ. *L. 2. C. eod. ubi pœna talionis obtinet contra eum, qui aliquem privato carceri includit.*

RESP. Suspecta est illa Constitutio: Contius enim epitomen saltem Constitutionum edidit, non integras Constitutiones, sed & mutata est illa Constitutio per posteriorem, quæ in *L. 1. C. eod. exstat.*

EXC. (1) Si quis jus habet corrigendi & emendandi mores, ut pater, maritus &c. *Vid. Dn. Par. Disp. de Jud. mor.* (2) In casu necessitatis, ut in pignoratione, & si metus est, ne aufugiat reus &c. tunc enim tandiu privatim custodiri potest, donec Judici commode exhiberi possit.

Qv. II. *An carcer sit pœna?*

NEGATUR; quia tantum custodiæ causa carcer adhibetur, *L. 8. §. 9. de Pœn.* *Laut. pag. 685. verb. est tamen etc.*

OBJ. (1) *L. 2. C. de Exact. trib. ibi: carcer pœnaliū est; ubi secundum quædam exemplaria legitur, pœnalis est.*

RESP. Sensus est, quod carcer pro iis sit introductus, qui pœnam

○ Cocc. J. C. P. II.

Qq qq

nam



nam merentur, idque explicatur verbis sequentibus: *carcer hominum noxiorum est.*

OBJ. (2) *L. 3. ff. h. ibi: hanc ipsam carceris pœnam. L. 1. C. de Cust. reor. ibi: ne pœna carceris perimatur. & L. 2. eod. ibi: pœnam carceris sustineat.*

RESP. Est omnino quædam pœna, quia aliquid mali patitur propter malum actionis. Unde etiam hodie pœna mitigari solet, si diu squalorem carceris sustinuit reus; sed improprie admodum; quia ideo carceri traditur, ut pœnæ executio in eum fieri possit.

Aliquando tamen carcer ut pœna solet dici. *Ord. Crim. art. 157. & 216.* Atque huc pertinent *l. 28. §. 14. ff. de Pœn.* ubi gradus pœnatum in custodiis servandi dicuntur, *l. 38. de Injur.* ubi pœna est, si quis in vincula publica mittitur.

LIB. XLVIII. TIT. IV.

AD L. JUL. MAJESTATIS.

Qv. I. *An etiam advenæ committant crimen læsæ Majestatis?*

Laut. pag. 686. verb. non etiam advenarum.

AFFIRMATUR; quia ab omnibus subditis committitur, advenæ autem sunt subditi, quando in alieno sunt territorio. *Vid. late Dn. Pâr. in Disp. de Fund. in territorio jurisd.* Idque (2) apparet ex *L. 3. ff. de Off. Praef. & L. 11. ff. de Cust. reor.* ubi Praefes provinciæ etiam in extraneos delinquentes jurisdictionem habet, ut proinde non distinguatur, unde sint delinquentes. *Conf. L. 7. §. pen. de Accus. Nov. 8. c. 12.* Atque hinc (3) Imperator in *L. 5. C. h.* ait: *quisquis &c.* quæ vox neminem excludit. Ita (4) sentit *Alberic. Gent. D. 5. ad Leg. Jul. Maj.*

OBJ. (1) Crimen hoc non nisi a subditis committi.

RESP. Advenæ sunt subditi.

OBJ. (2) *Clem. 2. de Sent. & re. Jud. ibi: Imperatori eo modo non subfuit, quod in eum crimen læsæ majestatis commiserit.*

RESP. Impia illa est constitutio, & rebellis, a Pontifice, Jurium Imperialium hoste acerrimo, promulgata.

INST. (3) Contra duas posteriores rationes, quod quidem in eos animadvertatur, non vero tanquam in reos læsæ Majestatis.

RESP. Animadverti quoque in eos non alia ratione potest, quam quia subditi sunt, ex eadem ergo ratione rei quoque læsæ Majestatis fieri possunt.

Qv.

